

## **Kesatuan setuju guru terbabit politik**

KUALA LUMPUR: Kesatuan Perkhidmatan Perguruan Kebangsaan (NUTP) dan Majlis Permuafakatan Persatuan Ibu Bapa dan Guru Nasional (PIBGN) menyokong cadangan untuk golongan pendidik diberi kelonggaran dan kebenaran untuk terbabit dalam aktiviti politik serta memegang jawatan dalam parti.

Setiausaha Agung NUTP, Loke Yim Pheng, bagaimanapun, mahu supaya hanya golongan pendidik Gred 41 hingga Gred 48 dibenarkan untuk berpolitik, manakala mereka yang berada pada Gred 48 ke atas perlu menumpukan kepada pelaksanaan pembangunan pendidikan.

Beliau berkata, sudah tiba masanya golongan guru diberikan kebebasan berpolitik kerana ramai dikalangan mereka berpengetahuan dan mempunyai pemikiran kritis.

“Sekiranya golongan ini berpolitik, mereka mampu memberi sumbangan besar kepada sistem pendidikan negara,” katanya ketika dihubungi di sini, semalam.